

I

QUÆSTIO MEDICA,  
CARDINALITIIS DISPUTATIONIBUS  
manè discutienda in Scholis Medicorum, die Jovis 12. Februarii.

M. JOSEPHO THOMASSEAU, Doctore Medico, Præfide.

*An vivat miserè qui vivit medicè?*

I.

**N**ATURA duplex universalis & particularis, prima, eorum omnium quæ sunt opifex & conservatrix, Deus est: altera, seu particularis est unum quodque ens seorsim sumptum, quod vel cogitat & dicitur mens, vel molem habet, & corpus appellatur. Mens vel sui juris est, vel alteri substantiæ unita. De primâ non differunt Physici, de secundâ multum disputant, & adhuc lis sub iudice pendet. Tam discrepantes naturæ mens & corpus, in unum hominem coeunt, eâ consociationis lege sancitâ, ut à nonnullis corporis motibus, certæ in animo cogitationes, certæ sensus excitationes. Rationem commercii nemo novit. Supremum numen cui omnia subiecta sunt, & à quo singula pulcherrimè geruntur, hominem præ cæteris animantibus respexit feliciter, huius structuram pluribus ut habilem redderet, majori contextuit artificio. Iisdem ferè cum brutis voluit constare principiis, fibrillis variè dispositis, & humorum serie diversâ. Omnium animantium vincit hominis figura. In illâ intueri quàm ad usum, quàm ad venustatem apta sint singula. *Omnibus ornatum voluit excellere rebus.* In ovo quibusdam delitescere primum creditur, quod seminis virilis afflatu fecundatum in utero delabitur, tum explicatur. In utero factus crescit, vivit, non unâ ratione nutritur, grandior & liberioris auræ impatiens, exitum quærit, vehementer agitatur ut illum sibi pareat, huic non obsistit mater, quæ diversos conatus exerit sætui foras ejiciendo non inutiles; scilicet abdominis musculi, diaphragma, nec non ipse uterus, cuius fibræ non ampliùs extendi valentes fortiter constringuntur, simul conspirant. Ubi natus est, habet à naturâ quod blando laborum & linguæ motu lac sugat è mammis, quod matrem agnoscat, quod diversas obeat functiones naturales, animales tunc temporis admodum imbecilles. Huc usque animam dixeris otiosam si de corporis formatione & perfectione sollicitam velis; qui animam dixerit omnia quæ sunt corporis providentem, animadvertentem singula, aut ad se pertinere putantem, curiosam & plenam negotii, illam intueatur in infanti corpore pueriliter occupatam, vel senescentem in silicernio. Certa requiritur organorum perfectio ut mens in corpore agat, si desit, impedita delitescit sine honore. Corporis numeris omnibus absoluti œconomia tum præest spiritalis anima, eâ lege ut functionum naturalium principale dominium penès ipsam non maneat; undè illæ animâ non attendente, vel aliud agente, non desinunt, animæ tamen in universum corpus autoritas est singularis, cuius indicium non leve animi pathemata. A brutis homo differt quod ratione polleat; habet cum illis quod vivat, nutriatur, crescat & generet. Dedit natura belluis sensum & appetitum, ut altero conatum haberent ad naturales pastus capefcendos, altero fecerent pestifera à salutaribus, utrumque non homini negavit cui majora concessit; utrique bruta vel nunquam vel rarò resistunt, & ideo feliciter ut plurimum vivunt. Eadem homini offertur felicitas, prudens acquiescit, imprudens negligit, contemnit malè sanus.

II.

**H**OMINIS structura mirabilis, ex illâ prodeunt, continuantur, & absolvuntur motus omnes ad vitam necessarij; æquabiles, constantes, tum generationis, tum incrementi & perfectionis. Hanc, naturam hominis appello cuius leges ad bene beatèque vivendum plurimum possunt. Sanus est qui functionum omnium, sive naturalium,

live animalium, singula obit munia alacriter; utrisque debite exercendis partes dicantur solidæ & fluidæ, solidæ quidem fibrillis constant quæ è vesiculis minutissimis oblonga serie catenatis constare ductiles sunt & vi resiliendi præditæ, fluidæ variæ sunt indolis & ex infinitis propè particulis omnis figuræ, globosis, angulatis, oblongis, cylindricis, in motum actis componuntur. E solidis compinguntur viscera, musculi, ossa, membranae, &c. Fluidæ, sunt humores, quorum triplicem motum, si novit vetus medicina, non docuit recentior, quæ rationi & experientiæ unice serviens, utriusque beneficio multa invenit huic incognita. Motus ille vel est totius molis externus qui dicitur circulationis, vel est internus, à quo fluiditas; alter seu intestinus liquorum fermentescentium proprius, huic debentur humorum secretiones, *filtrationes*, & præparationes omnes. Liquorum præcipuus sanguis, è cujus penu cæteri in diversis visceribus secernuntur, ope cribrorum & juvantibus fermentis, à sanguine separati liquores diversi huic iterum affunduntur ad varios usus. Sanguis è chyllo. Chylus ex alimentis omnis generis in ore primum salivâ imbutis, & dentium collisione minutim concisis, tum vero in ventriculo ope succorum dissolventium, qui è glandulis interioris membranæ scaturiunt, in liquorem pulcatum immutatur. Præquam canalem thoracicum subeat utraq; bile, & succo pancreatico imbuitur, quibus à partibus crassioribus separatur & in chylum puriorem facescit. In venâ subclaviâ primum sanguini affunditur, tum dextrum cordis ventriculum subit, hinc substantiam pulmonis ingreditur, in qua particulis æreis nitro-sulphureis purioribus imprægnatur, crassioribus conteritur & rutilus evadit. Postea vero per venam pulmonarem sinistrum cordis ventriculum repetens, novæ præparationi committitur, dum cor contrahitur ope fibrarum, quibus instruitur sanguinem vehementer per utrumque aortæ truncum pellit ad partes, in illis functionibus obeundis destinatum. Quidquid igitur in corpore humano peragitur hujus structuræ debetur & motui: utrique præest anima dum corpori divino sœdere copulatur, sic illius moribus afficitur ut languente torpeat, bene habente viget; viget corpus dum humorum generatio debite perficitur, dum belle nutriuntur partes solidæ, & canales liquoribus ubique corporis devehendis apti nec patetiores sunt, nec impervii, aut impediti; unde spiritus & humores facile distribuuntur. Hæc Medico qui de sanitate tuenda sollicitus est apprimè tenenda, ab his quippe sanitas, in quibus hominis natura consistit.

### II.

**M**EDICINA ars præstantissima, ars divina. Dum vigeat naturæ micantis aurea simplicitas, tenuis erat & exigua medicinæ suppellex, multiplex ea nunc plerumque ingloria, propter effrenatam in victu libidinem, hæc olim vix necessaria, malo ingravescente in tres diducta est partes, *διατητική, φαρμακευτική, & χειρουργική*. Quælibet harum in eo posita est ut naturam imitetur operando, citra naturæ concurrentis auxilium frustranea est Medici cura, & inutilis labor; leges naturæ fundamenta medicinæ, hæc illius interpres, & vicaria; quæ circa res non naturales præsertim occupatur dicitur *διατητική*. *Ille sunt aër; cibus & potus; somnus & vigilia; motus & quies; excreta & retenta: ac demum animi pathemata*. His utatur homo, natura præscribit, abuti vetat: communes sunt brutis & homini; in his naturam observat Medicus, ut illam sciat, scit ut imitetur. Sanitas Medici votum, modo hominem in utero matris delitescentem tuetur, matri quædam præscribendo convenientia, quæ si observet, sœtus materque bene habent, si omittat, uterque gravioribus afficitur incommodis. Hunc è sinu matris prodeuntem, & naturæ commissum non deserit, sed huic attentius invigilat, ne forte si natura deficeret aliunde oppressa, ipse longius absit opem allaturus; protegit grandiorum naturæ vestigiis semper inhærendo, sique moderatur ut ejus appetitui aut vitiatu, aut immodico, non obtemperet mollior assentiendo, sed resistit prudenter reprimendo. Illi præscribit in ætate vegetiori constituto quid agendum sit, quidve fugiendum, ut bene habeat. Hoc autem quod suadet, natura jubet, ratio postulat. Sanus homo nullis se obligare legibus debet, sed naturam sequatur. Quæ

firmis conveniunt, varium vitæ genus, labor, convivia, venus, nec rariores, nec immo-  
dica, eadem nocent imbecillis; unde plura ab his observanda sunt, ut in infirmo cor-  
pore sanitas diutius perseveret. Caveant imprimis gulæ venerisque excessus, ne in se-  
cundâ valetudine adversa præsidia consumantur. Diversos diversa juvant, res prius  
apta, modo nocet; non omnibus juvenile decus, sed quosdam premit dura vitæ condi-  
tio, dura propter violatas naturæ leges. Has observari curat Medicus, dum retum  
non naturalium usum temperat, juvante Medico miseranda senectus facilius sustinetur,  
& quæ singula ineluctabili conficit malo ultima ingravescens ætas redditur per illum  
minus odiosa; ille moderatur animi pathemata quibus corpus vehementius commotum  
contabescit, & brevi consumitur. Felix qui valet illa citius componere, qui enim  
comitatur animi pathemata humorum æstus, & spirituum agitatio, vel tensio, gra-  
vioribus solet afficere corpus incommodis. Medicus igitur naturam operantem in-  
tuetur, huic bene habenti invigilat, non eam dirigit, sed oppressam tuetur, nihil agit  
sine illâ, sed ab ipsâ mutuatur unde & quomodo agat.

## I V.

**O**MNIBUS ut vivant aëris inspirandi aqua necessitas, purus, liber &c. sa-  
nitatem parit, impurus mortem accelerat, venenatus erecat. Diversum diversa  
inspirant animalia, præter lacus sodomæ, & gomorrhæ, quilibet corruptus, licet &  
crassius propriis flore iaculis. Homo facilius diverso aëri assuescit, fortè non impunè.  
Cibus & potus nutritioni serviunt, & accretioni; reparant vires prostratas vigiliâ, &  
exercitio; *ῥυξυται*, citò & abundè utrumque perficiunt, digeruntur facilius, qui se-  
cernitur chylus distribuitur ociùs. Nullum ferè, quo populus utatur, cibi genus sano  
fugiendum; infirmus abstineat quantum fieri potest à vario & nimium condito, sanum  
juvat interdum modico uti, interdum pleniore, alterutrum usum in brutis moderatur  
fames & sitis, hæc œsophagi interiora, hæc ventriculi orificium vellicat, & à  
diversâ succorum & spirituum agitatione excitantur: ad ea quæ conveniunt feruntur  
cum impetu, & ea amplectuntur, quæ gustu, vel odoratu percipiunt bona, ea sunt quæ  
in, ipsis certos & convenientes cient motus, proprium quippè est animantium nihil  
appetere nisi naturæ accommodatum. Eadem in homine dignoscendis alimentorum viri-  
bus aptitudo, eadem indicia, his plerumque spontè abstinere, ut libidini suæ serviat.  
Diei noctisque vicissitudo conservat animantes, tribuens aliud agendi tempus, aliud  
quiescendi, hoc vires reparantur, illo conservantur. Utrumque in brutis obliuatur, sed  
ea susque deque vertit homo, & dum his promiscuè uti desiderat fruitor nullis. Pejor  
vigiliæ, quam somni excessus. Quæ debent excerni non impunè retinentur, vel excernun-  
tur retinenda. Ad excretionem sollicitat pruritus & vellicatio quædam, huic non resistunt  
animalia, solus homo parere abnuat jubenti naturæ, non audit monentem, vel silen-  
tem, irritat. De animi pathematis non immeritò sollicitus est Medicus, quid valeant  
quotidiana docet experientia, hanc irâ inflammari, amore æstuantem, & esu usque in omni  
intemperantiâ libidines ultrò confirmant. Non ab similes in belluis motus à diversâ obje-  
ctorum impressione, succorum fermentatione, spirituum agitatione. Qui excitantur in  
homine, plerumque easdem sortiuntur occasiones, differunt autem quod anima sapius  
in consortium adducatur: in brutis tales motus quia naturæ debentur, salutares, sicque  
certis temporibus excitantur, in homine si modum teneant, utiles, si excedant, noxii,  
nonnunquam lethales.

## V.

**N**IHIŁ tam temerarium tamque indignum sapientis gravitate atque constantiâ,  
quàm aut falsum sentire, aut quod non satis exploratè perceptum est sine ullâ du-  
bitatione defendere. Non novit igitur medicinam qui de cā perversè sentit, vel ex co-  
rum est numero quorum præcipua est cura ventri servire, aut indulgere voluptati sine  
modo. Fatuus sapientiæ præcepta non audit, fatuo similis, qui medicinam spernit, hæc  
enim naturæ amica, frustra sibi vanum & ridiculum medicinæ simulachrum proponit

4

plebs imperita, non meretur nomen medicinæ, quod naturæ insignibus destituitur. Nullum homini sano vitæ genus præscribit quod severius sit, omnia ut plurimum sana sanis; vult tamen in victu servari modum, neque enim res in vitium cadunt, nisi cum malefiunt, quæ valet perferre juvenus florida, non eadem senectus infirma feret, quibus premitur gravis senectus incommodis, iisdem afficiuntur, qui naturæ morem gerere, & medicinæ neglexerunt. Vires singulis ætatum muneribus obcundis destinatæ citò evanescent, præmaturâ illarum usurâ, nec non immodicâ perfractâ, hos species grata continuò relinquit, & etiam-num adolescentes juvenili formæ moriuntur, ut induant senilem, pro niveo & rutilo inficit ora pallor, succedit nascenti color funereus, aret sicca cutis, & contrahitur, quæ præ humiditate crescere deberet, vel florere. Stant in juvenili corpore rigidi nervi, deliciis, vino, labore, vigiliisque exsiccati, & attenuati. Qui, dum natura dabat vivere feliciter, non valuit moderari, nocte dieque pœnas lugebit suas, subeunt morbi bene multi & imprudentem occupant mille discrimina, dulces lædunt epulæ, deliciæ ipsâ suavitate nocent, cogitur ab iisdem rebus suspendere animum, quibus olim frui bonum erat, ut vivat vivere desinit. Debilem stomachum gravant alimenta grata prius, meliora non prosunt, sed jacent fastidita, sit importuna venus sepius repetita, grata bacchi munera, quibus interdum tristicium, vitæque labores sefellisse expedit, abusu fiunt nocentia: sic corpus vitio consumitur, & ineluctabili necessitate solvitur, huic deliciis fracto non potus non experta profunt medicamina, diversis licet obicibus positis præsentem ejus ruinam fulcire tentet Medicus, nihil proficit, dum natura negat auxilium, inermis Medicus, quid possit? Effætam juventutem excipit senectus onerosâ, frustra robustæ prolis quærritur parens vitiatus, Urbanus & litterarum cupidus curis consumitur, & arescit, avarus quamvis largus opum contabescit; hos cruciat ambitio, hos exagitat crudelis amor & soluit, illos belli durus labor feroces reddit. Quæ non hominem infestant mala à naturæ semitis aberrantem! Felix ergo qui naturam sequitur ducem, aut ejus interpretem consulit medicinam! per illam sanus feliciter vivit & ægro salutaris præscribitur diætâ, quæ si ingrata sano videretur quia sanus est, illi jucunda videri debet, cui sanitas per ipsam conciliatur. Itaque vita naturæ conveniens, vita beata, non aliam sapiens præscribit Medicus.

*Non ergo vivit miserè qui vivit medicè.*

Proponēbat Lutetiæ AMBROSIIUS-NICOLAUS CHEMINEAU,  
Senonensis, Baccalaureus Medicus. A. R. S. H. 1693.

Apud Franciscum Muguet, Regis, & Facultatis Medicinæ  
Typographum.